



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586 413, fax: 586-444

Broj: 03-20-703/2020

Vogošća, 10.04.2020. godine

Na osnovu člana 6. Pravilnika o utvrđivanju uslova, kriterija i postupaka za ostvarivanje prava na dodjelu plastenika u sklopu realizacije projekta „Dodjela plastenika od 100 m² sa dodatnom opremom na području općine Vogošća za 2020. godini“, broj 03-20-702/2020 od 09.04.2020 godine u cilju razvoja plasteničke proizvodnje na području općine Vogošća, Općinski načelnik raspisuje:

**JAVNI POZIV
za predaju zahtjeva za dodjelu plastenika od 100 m² sa dodatnom opremom**

I PRAVO UČEŠĆA

Pravo na učešće u Projektu imaju sva fizička i pravna lica, koji imaju prebivalište na području općine Vogošća, koji su upisan u Registar poljoprivrednog gazdinstva i Registar klijenata Općine Vogošća, koji posjeduju najmanje 500 m² vlastitog obradivog zemljišta.

II USLOVI ZA DODJELU PLASTENIKA

Podnosioc zahtjeva treba da ispunjava slijedeće uslove:

1. Da je upisan u Registar poljoprivrednih gazdinstava i klijenata u Općini Vogošća ,
2. Da je podnosilac zahtjeva vlasnik najmanje 500 m² obradivog zemljišta pogodnog za plasteničku proizvodnju i koje se nalazi u neposrednoj blizini stambenog objekta u kojem stanuje,
3. Da ima mogućnost navodnjavanja zemljišta na kojem se podiže platenik,
4. Da su registrovani kao poljoprivredni proizvođači u Općini Vogošća ili da posjeduju Rješenje o registraciji subjekta kod nadležnog Suda.

Sližba za privredu, integrisani lokalni razvoj i društvene djelatnosti Općine Vogošća je nosilac aktivnosti vezanih za realizaciju Projekta.

III DODATNI KRITERIJI ZA DODJELU PLASTENIKA

Kriteriji za bodovanje podnosioca zahtjeva:

- a) pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta),
- b) socijalno-ekonomski status podnosioca zahtjeva (radno-pravni status podnosioca zahtjeva i članova njegovog domaćinstva i visina primanja po članu domaćinstva),
- c) ostvarivanje prava u poslednjih 5 godina na donaciju, dodjelu ili sufinansiranje nabavke plastenika površine 100 m² sa dodatnom opremom od strane Općine Vogošća.

Kada kandidati pri bodovanju imaju isti broj bodova, prednost će imati kandidati koji imaju manja primanja po članu domaćinstva.

IV POTREBNA DOKUMENTACIJA

Potrebna dokumentacija za dodjelu plastenika:

1. Prijavni obrazac - zahtjev,
2. Fotokopija potvrde o upisu u Registar poljoprivrednih gazdinstava i Registar klijenata od općinske službe,
3. Vlasništvo nad parcelom (kopija ZK izvadka ili Posjedovnog lista),
4. Ovjerena Izjava sa podacima o broju članova domaćinstva, visini primanjima i radno-pravnom statusu svih punoljetnih članova domaćinstva, podatak o ostvarivanju prava kada je u pitanju donacija, dodjela ili sufinansiranje nabavke plastenika površine 100 m² sa dodatnom opremom od strane Općine Vogošća u posljednjih pet godina, kao i podatak o zaštiti ličnih podataka,
5. Fotokopija rješenja o registraciji subjekta.

V PROCEDURA ODABIRA KORISNIKA

Općinski načelnik imenuje Komisiju za dodjelu plastenika.

Zadatak Komisije za dodjelu plastenika je:

- Da pregleda prispjele prijave,
- Da evidentira kandidate koji ispunjavaju uslove iz Javnog poziva,
- Da izvrši provjeru podataka datih u ovjerenoj izjavi o broju članova domaćinstva, visini primanjima i radno-pravnom statusu svih punoljetnih članova domaćinstva, kao i podatak o ostvarivanju prava na dodjelu plastenika u posljednjih pet godina kada je u pitanju donacija, dodjela ili sufinansiranje za sve kandidate koji ispunjavaju uslove,
- Da obavi uviđaj na licu mjesta, sačini liste krajnjih korisnika na osnovu utvrđenih kriterija za bodovanje, te istu dostavlja Općinskom načelniku.

Odluku o dodjeli plastenika donosi Općinski načelnik na prijedlog Komisije za dodjelu plastenika.

VI ROK ZA PODNOŠENJE PRIJAVA NA JAVNI POZIV

Rok za prijavu na javni poziv je 10 dana od dana objavljivanja.

VII MJESTO I NAČIN PODNOŠENJA ZAHTJEVA

Popunjena prijava sa potrebnom dokumentacijom podnosi se na protokolu Općine Vogošća, ili putem pošte na adresu: Općina Vogošća, Ul. Jošanička br. 80, Vogošća, sa naznakom za Javni poziv za dodjelu plastenika od 100 m² sa dodatnom opremom na području Općine Vogošća za 2020. godinu.

VIII OSTALE ODREDBE

Općina Vogošća ne snosi nikave troškove u postupku prikupljanja i podnošenja prijave na javni poziv.

Neblagovremene i nepotpune prijave se neće uzimati u razmatranje.

Sve dodatne informacije u vezi javnog poziva mogu se dobiti u kancelariji broj 66.- III sprat, ili na tel. 033/586-422.

Javni poziv će biti objavljen na web stranici Općine Vogošća, na oglasnoj ploči Općine Vogošća, te u programu RTV Vogošća i na svim oglasnim pločama u MZ.

OPĆINSKI NAČELNIK



Edin Smajić